



**DISKURSU HUSI SUA EXSELÉNSIA PRIMEIRU-MINISTRU  
REPÚBLIKA DEMOKRÁTIKA TIMOR-LESTE,**

**TAUR MATAN RUAK**

INTERVENSAUN HUSI SUA EXELÉNSIA  
IHA SERIMÓNIA OFISIAL TROKA NOTA DIPLOMÁTIKA SIRA KONA-BA  
RATIFIKASAUN TRATADU FRONTEIRA MARÍTIMA IHA TASI TIMOR

PALÁSIU GOVERNU, LORON 30 FULAN-AGOSTU TINAN 2019

Exelentísimu Senhor Primeiru-Ministru Austrália, Honoravel Sr. Scott John Morrison

Exelentísimas Senhoras no Senhores Xefe Estadu no Xefe Governu sira, no Dignatáriu sira seluk ne'ebé marka prezensa iha-ne'e

Senhoras no Senhores

Distintu Konvidadu sira

Ho atu Troka Nota Diplomátika ida-ne'e entre Austrália no Timor-Leste, ita hahú kapítulu foun ida kona-ba relasaun bilaterál entre ita-nia nasaun rua.

Momentu ida ne'ebé hatudu ita-nia vontade mútua ne'ebé firme atu alkansa akordu ida justu no ekuitativu, hafoin prosesu negosiasaun nian ne'ebé la'o ho susesu, ne'ebé ba dala uluk mak utiliza mekanizmu konsiliaaun sira, ne'ebé prevee iha Konvensaun Nasoins Unidas kona-ba Direitu Tasi nian (UNCLOS).

Tanba ne'e, maka ho orgullu boot ita marka entrada iha vigór tratadu ida-ne'e nian, iha nasaun rua ne'e, hanesan ezemplu di'ak ida ba Mundu, kona-ba oinsá rezolve konfliktu ho dame, ho forma kooperativa no kolaborativa.

Austrália no Timor-Leste fahe lisuk prinsípiu no valór fundamentál sira-ne'ebé hanesan kona-ba Direitu Internasionál no Direitus Umanus nian.

Relasaun di'ak, besik no pozitivu ida-ne'e, eziste nafatin durante tinan barak iha nivel bilaterál, liuhosi kooperasaun iha domíniu hotu-hotu ne'ebé sai hanesan interese komún, liuliu iha defeza no seguransa, iha saúde no edukasaun no iha fortalesimentu sociedade sivil, liuliu iha lasu sidadania sira nian.

Maske ita-nia relasaun metin tebetebes, ha'u hakarak hato'o ba V. Exa. (Vosa Exelénsia), Sr. Primeiru-Ministru, ami-nia kompromisu firme atu investe tempu no esforsu maka'as liután, atu habelar no hametin ita-nia relasaun iha nivel hotu-hotu, hodi hatan tuir ita-nia povu sira ninia espetativa.

Espíritu husi Tratadu Fronteira Marítima permanente ida-ne'e sai hanesan fonte inspirasaun no enkorajamentu ida, ne'ebé fó aten-boot mai ami atu la'o ba oin.

Ha'u fiar katak espíritu ida-ne'e sei ajuda duni ita-nia Governu rua hodi serbisu ho empenhu foun, tantu bilaterál no mós kooperativu, ba ita-nia rain nia di'ak no ba ita-nia populasaun sira-nia moris-di'ak.

Senhor Primeiru-Ministru

Distintu Konvidadu sira

Ami fiar katak Austrália no Timor-Leste serbisu hamutuk nafatin, nune'e bele kumpre, ho dalan ne'ebé prátiku liu no dilijente liután, ita-nia Povu rua ne'e ninia hakarak no aspirasaun loloos!

Na'i Maromak haraik bénsaun mai ita-hotu!

Obrigadu Barak!